

漢魏六朝百三家集

漢

第

肆

冊

東方大中

漢魏六朝百三名家集

法

東方大中

書 碑 冊

東方朔集

東大賦集

東方大中集題辭

東方曼倩求大官不得始設客難楊
子雲草太玄乃作解嘲學者爭慕效
之假主客遣抑鬱者篇章叠見無當
玉卮世亦頗厭觀之其體不尊同于
游戲然二文初立詞鋒競起以蘇張

爲輸攻以荀鄒爲墨守作者之心寔
命奇偉隨者自貧彼不任咎未可薄
連珠而笑士衡鄙七體而譏枚叔也
曼倩別傳多神怪不足盡信卽史書
所記拔劍割肉醉遺殿上射覆隱語
榜楚舍人侏儒俳優其跡相近及諫

起上林面責董偃正言嶽嶽汲長孺
猶病不如何況公孫丞相以下誠子
一詩義包道德兩篇其藏身之智具
焉而世皆不知漢武歎其歲星劉向
次於列仙事或有之非此浮沉莫行
直諫事雄主其誠難哉

婁東張溥題

東方大中集目錄

騷

七諫

初放

沈江

怨世

怨思

自悲

哀命

謬諫

疏

諫起上林苑疏

應詔上書

書

與公孫弘書

從公孫弘借車馬書

與友人書

序

十洲記序

論

非有先生論

設難

答客難

答驃騎難

頌

旱頌

銘

寶甕銘

詩

據地歌

誠子詩

嗟伯夷

附錄

本傳

東方大中集目錄終

東方大中集卷全

漢平原東方朔著

明太倉張溥閱

騷

七諫 王逸註

平生於國兮

平屈原名也

長於原塹

高平曰原塹外曰野言屈原少

生於楚國與君同朝長大見遠棄於山野傷有始而無終也

言語訥謔兮

謔音

澀出口為言相答曰語訥者鈍也謔者難也

又無彊輔

言已質性忠信不能巧利

辭令言語訥鈍復無彊友黨輔以保達己志也彊一作彊

淺智褊能兮聞見

又寡

褊狹也寡少也屈原多才其謙也

數言便

事兮見怨門下

門下喻親近之人也言已數進忠言陳便宜之事以助治而見

怨恨於左右欲害已也一作數陳便事

王不察其長利兮卒見棄

乎原壑

言懷王不察已忠謀可以安國利民反信讒言終棄我於原壑而不還也伏

念思過兮無可改者

言已伏自思念行羣衆成無過失可改易也

朋兮上浸以惑

上謂君也浸稍也言佞人相與羣聚朋黨成衆君稍以惑亂而

不自知也

巧佞在前兮賢者滅息

滅消也言佞臣巧好其言順意承旨

旦夕在於君前而使忠賢之士心懷恐懼吞聲小語消滅蹇蹇之氣以避禍患也

堯舜

聖已沒兮孰爲忠直

言堯舜聖明今已沒矣誰爲盡忠直也

高山

崔巍兮

崔巍高貌

水流湯湯

湯時章切湯湯流貌言已仰視高山其形崔巍

而不知頽弛俛視水流湯湯流行而不死日將知竭自傷不如山水之性身將顛沛也

至今與麋鹿同坑

坑音岡陂池曰坑言已年歲衰老死日將至不得處國朝

輔政治而與麋鹿同坑鳥獸同伍將墜陷坑窞不復久矣塊鞠兮

塊獨處貌鞠匍爲鞠

當道宿

夜止曰宿言已孤獨無耦塊然獨處舉鞠然匍匐當道而躓臥無所棲宿也

世皆然兮余將誰告

告古六切舉與也言舉當世之人皆行佞僞當何所

告我忠信之情

斥逐鴻鵠兮

鴻鵠大鳥

近習鴟梟

鴟梟惡鳥斬伐

橘柚兮

柚音又橘柚美木

列樹苦桃

苦桃惡木言君親近貪殘姦惡之臣

而遠仁賢之臣也

便娟之脩竹兮寄生乎江潭

便娟好便平聲

貌屈原以竹自喻言有便娟長好之竹生於江
水之潭被蒙潤澤而茂盛自恨放流而獨不蒙
君之上歲蕤而防露兮歲蕤盛貌下泠泠而來

風

泠泠清涼貌言竹被潤澤上則歲蕤而防蔽
霧露言上能有所覆也下則泠泠清涼可休

庇也以言已德上能覆也孰知其不合兮若竹栢

之異心

竹心空屈原自喻志通達也栢心實以
喻君闇閉塞也言已性達道德而君閉

塞其志不合若往者不可及兮

謂聖明之王堯
舜禹湯文武也

來者不可待

欲須賢君年齒已
老命不可待也

悠悠蒼天兮莫

我振理

悠悠憂貌振救也言已憂愁思想則呼
蒼天言已懷忠正而君不知羣下無有

救理我之

竊怨君之不寤兮吾獨死而後已

言已

侵冤者

私怨懷王用心闇惑終不覺寤令
我獨抱忠信死於山野之中而已

初放

惟往古之得失兮

言已思念古者人君得道則安失道則危禹湯以王桀紂

以覽私微之所傷

傷害也言已又觀人君私愛佞讒受其微言傷害賢臣者

國以危殆也楚之無

堯舜聖而慈仁兮後世稱

而弗忘

言堯舜所以有聖明之德者以任齊桓賢能慈愛百姓故民至今稱之也

失於專任兮夷吾忠而名彰

夷吾管仲名也管仲將死戒桓公曰

豎刁自割易牙烹子此二臣者不愛其身不慈其子不可任也桓公不從使專國政桓公卒二子各欲立其所傳公子諸公子並爭國亂無主而桓公尸不棺積六十日蟲流出戶故曰失於